

O'zbekiston Respublikasi

Xorazm viloyati

Bog'ot tumani

НОКИМИ

ҚАРОРИ



Ўзбекистон Республикаси

Хоразм вилояти

Боғот тумани

ХОКИМИ

ҚАРОРИ

220200 Богот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил 25 апрел

№ 937ч

Боғот шаҳарчаси

Хоразм вилояти ҳокимининг 2020 йил 23 апрелдаги “Ўзбекистон Республикаси Президентининг 2020 йил 20 апрелдаги “Муборак Рамазон ойини муносиб тарзда ўтказиш тўғрисида”ги ПҚ-4687-сон қарорининг ижроси ҳақида”ги 163қ-сонли қарорнинг ижроси тўғрисида

Халқимиз асрлар давомида эзгулик, саховат, сабр-қаноат, меҳр-шафқат ойи сифатида нишонлаб келган муборак Рамазон ойининг жамиятимиздаги маънавий-руҳий барқарорликни мустаҳкамлаш, ҳозирги мураккаб синов ва машаққатларни халқимиз, бутун жаҳон аҳли билан ўзаро бирлик ва ҳамжихатликда енгиб ўтишдаги аҳамиятини инобатга олган ҳолда ҳамда муқаддас ислом динининг инсонпарварлик моҳиятини, унинг тинчлик, бағрикенглик, шукроналик каби олижаноб гояларини кенг тарғиб этиш, диний-маърифий, маданий қадириятларимизни асраб-авайлаш ва улуғлаш ҳамда Ўзбекистон Республикаси Президентининг 2020 йил 20 апрелдаги “Муборак Рамазон ойини муносиб тарзда ўтказиш тўғрисида”ги ПҚ-4687-сон қарорининг ижросини таъминлаш мақсадида

ҚАРОР ҚИЛАМАН:

1. Хоразм вилояти ҳокимининг 2020 йил 23 апрелдаги “Ўзбекистон Республикаси Президентининг 2020 йил 20 апрелдаги ПҚ-4687-сон қарори ҳақида”ги 163қ –сонли қарори раҳбарлик ва ижро учун қабул қилинсин.

2. Ўзбекистон Республикаси Президентининг мазкур қарори билан 2020 йил муборак Рамазон ойининг бошланиши 24 апрель кунига тўғри келиши маълумот учун қабул қилинсин.

3. Боғот туман ҳокимилиги (Р.Шарипов), Маҳалла ва оилани қўллаб-қувватлаш туман бўлими (Э.Рўзметов) ҳамда бошқа жамоат ташкилотлари ўзаро ҳамкорликда Рамазон ойининг карантин қоидаларига қатъий риоя қилган ҳолда, уй шароитида, оила даврасида ўтказилиши учун зарур шароитларни яратишга йўналтирилган барча чора-тадбирларни амалга оширсин.

Айниқса, ёрдамга мухтож ва эҳтиёжманд шахсларни ҳар томонлама қўллаб-қувватлаш, оилалар, маҳаллаларда меҳр-оқибат ва ўзаро ҳурмат муҳитини мустаҳкамлаш билан боғлиқ ташкилий чора-тадбирларни янада кучайтиришга алоҳида аҳамият берилсин.

4. “Боғот садоси” газетаси (Ш.Усмонхўжаев) мавжуд эпидемиологик шароитдан келиб чиқиб, диний-маърифий руҳдаги онлайн суҳбат ва маърузалар ташкил этиш, бу йилги Рамазон ойини уй шароитида ўтказиш билан боғлиқ тадбирларни ёритиш тавсия этилсин.

5. Мазкур қарорнинг ижросини назорат қилиш туман ҳокимининг ўринбосари Р.Шарипов ва туман ҳокимининг ўринбосари, маҳалла ва оилани қўллаб-қувватлаш бўлими бошлиғи Э.Рўзметов зиммасига юклансин.

Боғот туман ҳокими



О.Холбоев